

Universitätsbibliothek Paderborn

Historiae Ecclesiasticae Pars ...

HISTORIAE EC||CLESIASTICAE PARS || PRIMA, QVA CONTI-||NENTVR ||
Eusebij cognomento Pamphili Cæsareæ Palæ-||stinæ Episcopi lib. 10.||
Eiusdem de vita Constantini magni lib. 4.|| Oratio Constantini magni ad
sanctoru[m] cœtu[m].|| Oratio eiusdem Eusebij in laudem Constanti-||ni
magni ad trigesimum ...

Christopherson, John

[Köln], 1569

De viris ecclesiasticis, qui ea tempestate celebres erant, & quinam ex ipsis
vsque ad ecclesiae depopulationem superfuerunt. Cap. XXVI.

urn:nbn:de:hbz:466:1-29861

*De viris ecclesiasticis, qui ea tempestate celebres
erant, & quinam ex ipsis usque ad e. clestæ
depopulationem superfuerunt.*

CAP. XXVI.

TAlis igitur causa extitit commentitiae illius doctrinæ & erroris, qui temporibus supra demonstratis in lucem prodierunt: quibus quidem temporibus cum Felix quinquennio Romanam rexisset ecclesiam, Euthianus eius capessit locum. Ille non decem mensibus ad exitum plene perductis, Gaius, qui nostra viguit memoria, Cleri ministerium reliquit. Cui, cum quindecim annos illud munus administrasset, a Marcellino successum est. Cuius temporibus persecutio supra demonstrata (in qua ipse martyrio occubuit) exorta est. Per id temporis episcopatum Antiochiae, post Doninum mortuum, obtinuit Timaeus, cui Cyrus, qui nostra vixit ætate successit: cuius temporibus Dorotheum dignitate sacerdotali tum Antiochiae donatum, virum sane disertum cognouimus. Hic in sacris literis exquisite eruditus fuit, linguae Habraicæ diligentem nauauit operam, adeo ut scripturas Hebraicas scienter posset intelligere. Erat honestis ac liberalibus parentibus prognatus, humanioris literaturæ neutiquam expersus: eunuchus reuera natus, ut illum imperator propter incredibilem eius naturam, in suam familiam asciuerit, & praefectura purpuræ tingen- dæ, que apud Tyrum est, honorifice donauit. Istim nos scripturas in ecclesia non incommodè explicantem audiuius. Cyrillo vita defuncto, Tyrannus ecclesie Antiochiae episcopatum assequitur, quo illo officio fungente, bellum ad ecclesiás expugnadas susceptum vehementer exarsit. Laodiceis ecclesiae gubernatione, post Socratem Eusebius obtinuit, ex urbe Alexandria oriundus. Causa autem eius à patria profctionis erat controuersia illa de Paulo Samosateo suscepta. Cuius gratia in Syria profectus, ab illis qui ad religionem Christi propagandū omnē suū studiū cōferebant, ne domum reuertetur, prohibitus fuit: qui quidem (sicuti ex verbis Dionysii de eo à nobis supra citatis facile licet cognoscere)

Z. 2

præ

EUSEBII HISTORIAE

præ cæteris præstantibus nostri temporis viris, tanquam
preciosus quidam pietatis thesaurus extitit. Anatolius
genere, etiam Alexandrinus post illum creatur episco-
pus, bonus, vt aiunt, boni viri successor. Qui cum ob e-
loquentiam, tum ob doctrinam humaniorem, & cogni-
tionem philosophiæ, inter homines nostri temporis, qui
erant spectatissimi, facile principé locum obtinuit: quip-
pe in Arithmetica, Geometria, Astronomia, & differen-
ti facultate, in contemplatione & perspicientia naturæ
in oratorum quoque disciplinis venerat ad summum:
quarum rerum gratia fama est, ciues Alexandriæ, eum il-
li ludo, in quo Aristotelis doctrina docebatur, magi-
strum præfecisse. Ac tametsi in obsidione Alexandriæ,
cum ibi magna esset frumenti inopia, alias preclare ab
eo res gestas penè infinitas commemorant, vt pote qui
singularem dignitatis prærogatiuam præ cæteris magi-
stribus ab omnibus ciuibus adeptus fuisset, tamen ex-
empli causa, hanc vnam solum hoc loco citabo. Fertur,
cum frumentum illis diu obcessis deesset, ita vt famæ,
que in urbe gravabatur, multo magis intolerabilis, quam
hostium impetus, qui iam extrinsecus premebat, exister-
ret, hunc, quem dico, cum huic interesset calamitati, tale
quoddam remedium illis proinde inuenisse. Cum altera
pars ciuitatis cum exercitu Romano, societatem belli ge-
rendi coiuisset, & properea obsidione non vexaretur,
Eusebium forte inter eos, qui minime erant obcessi, ver-
santem (adhuc enim ibi habitabat, in que Syriam minime
demigrauerat) & magnum decus, nomenque celebre
etiam à duce Romani exercitus consecutum, de his qui
fame, illius obsidionis tempore, interierunt, per inter-
nuntium Anatolius certiorem facit. Eusebium autem cum
hoc intelligererat, à duce maximi beneficii loco postulaf-
fe, vt illis qui vellent se ab hostibus ex urbe ad eum sua
sponte recipere, vitam ac salutem daret. Quem qui-
dem, petitione, vt voluit, impetrata, Anatolio significas-
se. Hunc autem, nuntio ab Eusebio accepto, senatum
Alexandriniorum cogisse: ac primum poposuisse ab il-
lis, vt cum Romanis amicitiam iungerent. Quo qui-
dem sermone, ubi illos grauiter commotos videbat, ci-
tasse:

gisse:at huic,quod iam dicam,vos neutiquam refragatu
ros arbitror,illis,qui in hac dimicatione videntur mini
me esse necessarii,minimeque vobis utiles,vt anus,in-
fantes,& senes,liberam è portis egrediendi potestatem,
quo velint,faciatis,consilium est. Quid enim istos iam
iam prope merituros apud nos ipsos continemus? Quid
modo mancos,& corporibus mutilatos, peneque exhau-
stos,fame opprimimus? viros solos,& iuuenes viribus
valentes alere oportet,& frumentum,quod necessarium
est,his, qui ad ciuitatis propugnationem accommodati
sunt,congerere. Quibus rationibus cum senatum in
suam sententiam adduxisset, ipsum primum assurgen-
tem,suffragium tulisse, vt omnis multitudo, siue viro-
rum,siue mulierum, que ad rem militarem parum esset
idonea, à ciuitate libere excederet: quoniam si mane-
rent,ibique cum magno ciuitatis morarentur incommo-
do,nullam salutis spem illis (quippe fame viderentur pe-
rituri)esse omnino relictam. Cui sententiæ cum à cæte-
ris omnibus, qui aderant in senatu esset assensum, parum
aberat, quin omnes, qui obsidione cingebantur, ser-
uasset incolumes,atque in primis,vt qui erant Christia-
ni,deinde vt alii cuiusque ætatis, qui ciuitatem incole-
bant, salvi aufugerent,diligenter prouidit: vnde non hi
solum, quibus senatus decreto potestas facta erat ex vr-
be exeundi, verum etiam sub eorum nomine, alii fere
infiniti vestitu muliebri clanculum induit, nocta, illius
prouisione,è portis egressi sunt, & ad Romanorum ex-
ercitum confugerunt: vbi illos omnes Eusebius beni-
gne excipiens,more patris, aut medici, longa obsidione
debilitatos,omni prouidentia,& curatione in integrum
restituit. Duobus eiusmodi pastoribus ecclesia Laodi-
censis (quorum alter alteri deinceps ordine proxime suc-
cessit) diuina prouidentia potita est: qui post bellum à
nobis iam demonstratum ab vrbe Alexandrina co de-
migrarunt. Quanquam vero non multi libri ab Anato-
lio erant elaborati,totidem tamen ad nos peruenient,
vnde cum eius eloquentiam,tum multiplicem cognizio-
nem licet animaduertere: idque in illis potissimum, in qui-
bus ea, quæ de Paschate ab aliis ante decreta fuissent,

EVSEBII HISTORIAE

explanauit. Ex quibus libris necessarium putavi, ista
verba e Canonibus de Paschate ab Anatolio in eisdem
libris conscriptis petita recensere. In primo anno, hoc,
festum nouilunium primi mensis occupat. quod est cir-
culi, decem & nouē annorum principium. Quod secun-
dum Aegyptios est vigesimo sexto die mensis Phame-
noth, secundum Macedonum menses, vigesimo secundo,
Dystri, sed ut Romani numerant ad vndecimum Calen-
das & prilis. In vigesimo sexto die Phamenoth, qui su-
pra positus est, sol reperitur non modo primā signorum
intra se sectionem, sed iam quartum dīc in ea peragrasse.
Istam sectionem, primam duodecimam partem, æquino-
ctium, mensium principium, caput circuli, planetarum
cursus, reciprocationem appellare solent. Ea autem se-
ctio, quæ istam proximè antegreditur, mensium extre-
mias, sectio duodecima, pars duodecima ultima, finis am-
bitus & conuersionis planetarum dicitur. Quapropter,
qui principium primi mensis in illo vigesimo sexto die,
Phamenoth esse putant, ad decimum quartum diē proxi-
mè secundum illum, festum Paschatis celebrandum sta-
tuunt, eos vehementer errare dicimus. Neq; est hæc no-
stra sententia, sed ab antiquis Iudeis ante Christum, cum
sic decretū fuit, tū ab illis in primis obseruatū. Quod ex
Philonis, Iosephi, Musæique verbis licet cognoscere.
Neq; ex his solum, sed ab aliis qui illis sunt vetustiores,
namirū duobus cognomēto Agathobulis, præceptorib;
illius eximi Aristobuli: Iste ex septuaginta interpretum,
numero, qui sacras & diuinas scripturas, Ptolomæi Phi-
ladelphi, & eius patris rogatu ex sermone Hebraico in
Græcum conuerterunt, vñus fuit: qui etiam commen-
tarios in legem Moysis conscriptos, iisdem regibus de-
dicauit. Illi scriptores dum quæstiones Exodi dissol-
punt, aiūt omnes ex equo Pascha siue dīacatīa: id est
festum transitus, verum æquinoctiū, medio primo mēse,
celebrare oportere: hocque tempus esse primam sectio-
nē, cursus solis, siue cum sol penitus obierit signiferū, ut
quidam illorum nominat, orbem. Addit eodem Aristobu-
lus, quod in festo Paschatis nō modo sol, sed luna etiā,
necessario debet esse in transitu sectionis æquinoctialis.

Et cum

Et cum duæ sint æquinoctiales sectiones, verna altera,
altera autumnalis (quæ ex diametro altera alteri, oppo-
nuntur) cumque decimus quartus dies mensis ad vespe-
ram, Festo trâitus assignatus sit, luna semper soli ex ad-
uerso consistet, sicut etiam in omnibus pleniluniis cer-
nere licet sectione, igitur æquinoctii verni sol: luna aut
sectionem æquinoctij autumnalis occupabit necessariò.
Alia præterea non pauca ab illis memorata, partim pro-
babilia, partim ratis & firmis demonstrationibus cōclusa
nouis: quibus Pascha & festum Azymorū omnino post
æquinoctium agendum ostendere conantur. Verū eius-
modi demonstrationum momenta, quæ ab illis peti pos-
sunt, missa facio: à quibus legis Mosaicæ velamen adeo
penitus ablatum est. ut iam de cætero aperta facie, vt
ita dicam, Christum Christiq; doctrinā & passiones per-
petuo contemplentur. Sunt etiam quædam velut regulæ
ac præceptiones in libro, qui inscribitur Enoch, quæ de-
clarant primū mensem apud Hebræos circiter æquino-
ctiū esse. Anatolius porrò institutiones in Arithmeticā ta. Eccle.
decem libris explicatas reliquit. Alia item extant eius Script.
opera, quæ exempla otii præclare in sacris literis ab eo
collocati, & multæ in eisdē exercitationis perspicua ar-
gumenta dāt. Hunc Theotecnus Cæsareæ Palæstinarum
episcopus, per manus impositionē primus episcopū ordi-
nauit: qui cū successorē sibi post mortē ad ecclesiæ suæ
procurationē diligendū prouidit, vnaq; cum illo ad ali-
quod téporis spatium ecclesiæ Cœsariensi præfuit. Verū
Anatolius, cū cōciliū Antiochiæ de Paulo Samosateño
cōuocatū, eū accerseret, ad Laodicésum urbem aduen-
tans, ibi Eusebio mortuo cōmorari à fratribus coactus
est. Anatolio exēute è vita, postremus ante persecutionē
illi ecclesiæ p̄ficitur Stephanus: qui quanquā cū propter
philosophiæ cognitionem, tum propter reliquam libe-
ralem eruditionem apud multos in magna admiratione
fuit, tamen propter animum eius, quo erat erga sacram
fidem haud fatis sincere affectus, non tantum laudis
meruit: sicut tempore persecutionis progrediente,
quod illum simulatorē, timidum, & ignavum potius
quam verum Philosophum declarabat, perspicue

EVSEBII HISTORIAE

patefactum fuit. Et quamvis eius inconstantia ac levitate, ecclesiæ illius status videretur ruina collapsurus, fuit tamen Dei omnium seruatoris clementia sustentatus: idque quia confessim Theodotus vir sancte & re ipsa, & proprio nomine (Theodotus à Deo datus dicitur) illius ecclesiæ episcopus designatus, se vere episcopū demonstrauit. Nam ut in medicina, quæ ad corporum curationem pertinet, sic in animorum morbis sanandis primas ferè tulit: humanitatis autem, morum probitatis, clementiæ, commiserationis, & studii caussa, quod in eos ostendit, qui opem ab eo poscebant, facile omnes superauit. In Sacris deniq; disciplinis multus erat ei usus, & crebra exercitatio. Sed de eo satis. ubi Theotecnus episcopatum Cæsareæ Palestinae diligentissime fuisset executus, mortemque oppetiisset, illud ministerium Agapio tributum fuit. Quem maximum laborem in co obeundo collocasse & accuratissimam suscepisse prouisionem in populo gubernando, & maximè omnium quasi plena manu eos, qui in egestate versabatur, subleuasse cognouimus. Cuius temporibus Pamphilum virtum discretissimum, & ipsa vitæ ratione verum philosophum, in ea ecclesia presbyterii dignitate donatum accepimus. Qui quidem qualisnam fuerit, & unde ortus, non breui videtur explicatione posse aperiri. Singula igitur quæ ad eius vitam attinent, qua ratione institutus, cuius generis certamina pro variis fidei confessionibus, dum saeviebat persecutio, pertulerit, & qualiter tandem corona martyrii redimitus sit, separato quodam libello de eo differuimus. Iste autem præ cæteris, qui ibi versabantur, maximam omnium de se excitauit admirationem. Inter homines etiam nostræ ætatis rarissimos quidem, & singularis cuiusdam virtutis, ex presbyteris Alexandrinis Pierum, ex præsidibus autem ecclesiarum Ponti Meletium episcopum cognouimus. Ac Pierius cum ob inopem admodum & egentem vitæ rationem, qua sua sponte susceperebat, tum ob philosophorum disciplinas, quibus erat imbutus, satis spectatus & illustris fuit: in literarum quoque diuinarum, cum cognitione, cum explicatione, in disceptationibus præterea concionibusq;

nibusque publice in ecclesia faciendis supra modum ex-
citatus. Meletius autem, quem homines eruditii μέλις
τῆς ἀττικῆς id est mel Atticum ex nominis sui notatione
nuncupabant, talis certè fuit, qualem propter summam
in omnibus rebus notitiam & cognitionem, merito per-
ficiissimum dixeris. Ac propter singularem eius dicēdi-
vim & virtutem, nemo illum satis abunde admirari ac
suspicere poterit. At hoc fortasse illi natura quodam-
modo insitum aliquis dixerit: verum eius in multiplici
aliorum rerum experientia, in varia cuiusq; generis do-
ctrina facultatem, quis valet aliquando superare? Quod
autem in omnibus scientiis, quæ ad acumen rationis, &
differendi subtilitatem spectant, cum artificiose exposi-
tus, tum diserte eloquens fuerit, si quis vel semel de eo
fecerit periculum, facile credo, concesserit. Virtutes
porrò, quæ magno cum splendore in eius vita elucebāt,
non illis rebus erant vlla ex parte inferiores. Iste perse-
cutionis tempore in fines Palestinæ confugit: ubi eum
ad septem annos integros, plene cognouimus. Hiero-
solymorum ecclesiæ ministerium post Hymenæum epi-
scopum, quem paulo ante demonstrauimus, Zambdas
capessit. Paulo post, isto mortuo, Hermon postremus
eorum, qui ante persecutionem, nostra memoria, ibi cō-
citatam, fuerunt episcopi, in sede illa apostolica ad hoc
usque tempus reseruata collocatus fuit. Postquam Maxi-
mus decem & octo annos episcopatu Alexandriæ post
mortem Dionysii fuerat perfunctus, Theonas eius po-
titur loco. Quo tempore Alexandriæ Achillas presby-
terio, vna cum Pierio donatus, cœpit hominum fama ce-
lebrari: qui scholæ sacratæ Christi fidei instituendæ pre-
fectus, in singulari ac plane rarissimo pietatis munere
exequendo nemini secundus fuit, & vitæ institutionisq;
euangelicæ modum atque rationem ingenue excoluit.
Post Theonam cum decem & nouem annis ecclesiæ ad-
ministrasset, in episcopatum Alexandriæ succedit Pe-
trus. Hic duodecim annis continuis in eo officio fun-
gendo cum summa dignitate inter primos floruit. Qui
eum triennium prope ante persecutionis tempus, in ec-
clesia

E V S E B I I H I S T O R I A E

clesia illa gubernanda contriuisset, de reliquo vitam du-
xiore exercitatione & magis severa traduxit, & uti om-
nibus constabat, ecclesiarum utilitati omni cura ac stu-
dio prospexit. Ac propterea nono persecutionis anno,
capite amputato, erat à Deo insigni martyrii corona do-
natus. Quoniam quidem serię & rationem successio-
nis apostolorum & episcoporum ab ortu seruatoris no-
stri usque ad euersionem & vastitatem ecclesiarum de-
ductam, eamque iam ad trecentos & quinque annos
continuatam hactenus explanauimus, sequitur, ut dein
seps certamina eorum, qui viriliter & excelsō ani-
mo pro pietate hoc nostro tempore dimica-
tunt, quam multa, quamque grauia
& acerba fuerint, ad posterita-
ris memoriam scriptis
prodamus.

Septimi libri finis.